

**BOSNA I HERCEGOVINA  
UPRAVA ZA INDIREKTNO OPOREZIVANJE  
BANJA LUKA**

**ODJELJENJE ZA KOMUNIKACIJE I MEĐUNARODNU SARADNJU**

Broj: 01/3-50-4-UP/I-59-3/20  
Banja Luka, 14.09.2020. godine

Na osnovu člana 14. stav 2. Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), te člana 5. stav 1. tačka b) Pravilnika o unutrašnjoj organizaciji u Upravi za indirektno oporezivanje („Službeni glasnik BiH“, broj: 29/13) u postupku odlučivanja po zahtjevu Nikoline Lovri iz Neuma, za pristup informacijama, Odjeljenje za komunikacije i međunarodnu saradnju, d o n o s i

**RJEŠENJE**

Odobrava se Centru za istraživačko novinarstvo, Gabriele Moreno Locatelli 11, Sarajevo, pristup informacijama o spisku proizvoda koje je izvozilo preduzeće Tamaris – Company doo, Banja Luka, vrijednosti izvezenih proizvoda i zemlje u koje se izvozilo.

**Obrazloženje**

Centar za istraživačko novinarstvo, novinar Milena Mitrović, Gabriele Moreno Locatelli 11, Sarajevo podnio je Upravi za indirektno oporezivanje BiH Zahtjev za pristup informacijama o spisku proizvoda koje je izvozilo preduzeće Tamaris – Company doo, Banja Luka, vrijednosti izvezenih proizvoda i zemlje u koje se izvozilo.

S obzirom da su predmetnim zahtjevom zatražene informacije koje uključuju povjerljive komercijalne interese treće strane, u skladu sa članom 7. Zakona o slobodi pristupa informacijama u Bosni i Hercegovini, Uprava za indirektno oporezivanje je, aktom 01/3-50-4-UP/I-59-1/20 od 01.09.2020. godine, zatražila pismeno odobrenje za javnu objavu istih od pravnog lica Tamaris Company doo, Banja Luka, ID broj: 401628440009.

Pravno lice Tamaris Company doo, Banja Luka, aktom broj: 76/20 od 11.09.2020. obavijestilo je ovu Upravu da je saglasno sa objavom traženih podataka.

Slijedom navedenih činjenica, odlučeno je kao u dispozitivu rješenja.

*Pravna pouka:* Protiv ovog rješenja podnosilac zahtjeva ima pravo podnošenja žalbe direktoru Uprave za indirektno oporezivanje u roku od 15 dana od dana prijema rješenja. Žalba podliježe plaćanju takse u skladu sa Zakonom o administrativnim taksama („Službeni glasnik BiH“, broj: 16/02, 19/02, 43/04, 08/06, 76/06, 76/07, 03/08, 42/08, 03/10 i 98/12).

**Dostaviti:**

1. Centar za istraživačko novinarstvo (Milena Mitrović, novinar)
2. Odjeljenju 01/3 2x
3. a/a

**NAČELNIK ODJELJENJA**

**RATKO KOVAČEVIĆ**

